

影舊鈔卷子

本文館詞林

古逸叢書之十五

一首并序
銘一首

本
氏校刊
遵義黎
同林

深舊煙卷子

藏書圖記

50017
246156

佩璽而効節吳鄧來祭荷策以
徇名遠有張陳鄴灌馬竇寗耿
雲歸風往葉從杖附經綸方方
折衝九服往者晉造永嘉中原
瓦解分崩七紀膠加五胡於是
魏乘其弊奄秬區宇泚汰神州
羅絡荒極中謀外禦比肩受事

燕許雀張決其策孫千吳庚
制其兵於時尚書令定陵公和
公經武緯文鷹肅鸚跣軒輕
由其先後輕重隨其去就淡
心注意朝野宗之方極公輔
之尊歸以將相之首朝廷政
事咸所諮決調高遂以驚衆

震主於是身危既而錦地長
封良金且鑄表靈異於名山鬱
光明於祠典即公之高祖父也
公諱安字某沅源共玄濤比深
層搆与白山俱傑雄颺代方聲
架河石水運統紀家實疏附
帝邑屢徙我不常居今為清
都臨漳人也曾祖父鎮都大將
祖燕州刺史俱蘊深沈之氣
咸負磊落之節正途先踐直
轡不迴位不充量志行迹屈
乘此心也矯然千載考飭撈
崇竦異趣流俗遺時離衆室
迹人遐顧有親同五賢位先

九牧徯待如神辟書先降終使
重席佩几罕見伊人懸榻奪
阪竟無此客公感降星精禎
標月晷家門神筭之徵舅宅
貴甥之相言笑之始神情純
人翦剃之初風望駭俗粗教方
日略櫛章句方言朝誦五行併
覽口折墜白似弗能談心定朱
紫莫知其察履繩踐墨率禮
弘教行彈孝敬事窮仁厚物
仰庭訊時無間言持刻斯之
緒居執珪之曹惟祿惟功公
卿有業立言立德師佐攸侯
猶夫靈岷種玉永漢藏金用

超海內之寶動檀天下之價魏
孝明時起家奉朝請荆揚逋
醜內爨譙梁公為別將平南府
長史受命即戒忘身致縻在
時散地征旅潛亡公仁以為任信
而開物逃竄歸命多全要領
退除襄威將軍負外散騎侍
郎魏北海王九顥烏集江陰進
熟逋偽假錯面之穢資文身
之醜窮宓深入臺輿外巡公陪
從艱難魚陳方略天柱大將軍
介朱榮入衛行宮咸見嘉賞
授明威將軍給事中領禁府
法曹叅軍接武白雲之士驥首

素朝之會鞭馭之間柳楊風
彩及天綱四張宸居載蕭轉
通直散騎侍郎寧朔將軍北
道大行臺郎中加寧遠之号
而二相驕矜一德致爽甚芒
刺之猜伏尚方之劍拔幹為
梗禍猶崩圻仍推踈屬入據
寶圖授中書舍人尋除通直散
騎常侍冠軍將軍兼給事黃
門侍郎仍領舍人天人未允符
璽改授復以常侍領舍人於
時迴天轉日不心三公詢子三
言翕肩側目公持之有度一毛
不動履正居和泯然無際轉

司徒掾常侍將軍如故論從
北巡之賞時宰介朱隆以公曾
失其首侯遂不及我不屑已
橫議更以為高授太中大夫車
東將軍轉河南太守斯遷舊
鄴伊洛蕭條闕寇東窺荆蠻
北視公招懷初附慰恆遺黎鎮
以寬重莅以廉正西遏南撫威惠
俱洽風化所被歌謠迄今咸宗
景烈皇帝四端斯啓五彩行集
庶試作範朝府崇開以公鑒遠
遠韻高引為司馬俄以敷奏寄
重復授中書舍人兼掌食典御
中軍將軍魏孝靜言次訪公外

柄所相對以聞隨四時所未曾
識其舊慎也如此而嗟敬也逾
深復除黃門鎮南將軍舍人如
故出行梁州事高明旁鑒哀矜
下臨窮為政之上榮盡牧人之
大體當時秦中醜類侵擾潁
川三軍出討千金日費踰令如
霜發發猶雨公心計屈相願
所已得人吏驚悚咸曰神明轉
使持節都督義州諸軍事本
將軍義州刺史凌輔捺曠嶠潼
阻恣慕義攜負抑日新秦公
綏以清靜化以簡易高枕閉
閤無欲無為庭有入羅之雀

邑無妄咳之犬圖畫相傳俎
豆不絕徽拜散騎常侍征南
將軍掌知東宮事地日少陽
重光監國崇賢冠帶博望巾
裾莫非高名上才霞舉仙步
非直左右前後咸求正人公
時表國華舉朝瞻想叅政
儲后風猷惟穆宜其翼亮二
宮遂階三事邈五君而光輔
冠一代之偉人而陽鳥入巢陰
堂夢講奄嗟代序之促遽深
停市之慟以天保六年十月薨
於位春秋若干追贈本將軍
幽州刺史太常考終定謚日質

禮也惟公大璞不雕全德斯在
應物隨方攸往必適至若先
意承志終始加人永懷風泉
之感長結茵斯之慕逮於任
事以官進德而祿震順持方可
久可大發跡暮歸移朝變市
劬勞出內經關險義履揚公
之潔方夜逾畏執葛相之平
如稱弗動任真居坦得喪忘
懷弗懼武光無驚雷電濟陰
魏諷文傾時右鬲令表毅質
滿朝賢凡此族也曾無帶介
使當宸執鈞心敬而小朝倫
國望希風竦目紡毛帶草之

容捧手如舊乘軒結駟之子
雅語猶新忻敬可加貞固不
奪清裁方格人間推重邁種
積祉英異咸歸婁踰九竒子
過百鍊終以四昭八達言揚事
舉敷贊邦典會通政術丹青
王化羽翼天朝冠冕縉紳殊術
綸棟幹皇上深嘉股肱且懷
舊德表閭軼墓義有存焉復
贈使持節都督無瀛滄三州
諸軍事驃騎大將軍兼州刺
史尚書左僕射司空公以天統
四年月日改卜於此處故吏之官
姓名等會謂寫音調律爰自

於神工感事形聲當存於誠
昇道繫於人亡雖絕名憑於
迹、有可圖伐石懸鏡之山
傳響鳴鵠之地其詞曰
恒山北臨河流東折夏海激澤
寒門窈絕地蘊精靈人表莫
列高胄洪緒標其竦傑輦車
而往無資獨擅智踰万踪勇
超百戰翼子氣矜貽孫風扇
緊遠無屈節高非賤奔載
風聞聿脩潛地池龍行躋鳳
毛當矯變化稱神昇降為寶
克仁克義能大能久言愬百
行來謀十官價重良玉名韻幽

蘭在國多否為臣獨難芳草
能動比木凌寒府誅朝易後
命端至趨奏青蒲對楊丹地
分符外踐擁旄出莅立事三切
殊途一致君子兼濟英猷允塞
推道崇儒存韓尚墨曲藝罕
顧異端靡或由我被人自家
形國體正居雅成務龍樓下
資教義上屬謀猷在川方楫
於生若浮玉門筮水張氏懷鉤
殊林重穎碧堂隆構凌雲迴
權冠山標秀國慕樹蘭朝宗
領袖宸鑒攸揆礼斯崇舊
旌賢申命文物增輝山原超

忽冠蓋霑衣空間不朽孰與
同歸悠々大化人間復非

後周大將軍楊紹碑銘一首 并序 隨薛道衡

若夫天地之大德聖人之大寶
其惟生位乎生有終而位有極
道恒存而名不朽故雲臺駢
闕所以圖其形三哥史頌所

以播其聲公諱紹字某弘農華
陰人也靈源發於姬水玉緒
分於晉國西京丞相乘朱輪者
十人東漢公輔服袞衣者四葉
本枝日盛景福潛流逮我皇隨
鬱為天族祖國鎮西將軍父定
新興太守或擁旆杖節式過

寇戎或剖竹要銀撫導吐俗
文猷武略煥乎鱗簡而洪河
帶地砥柱發其英靈太華干
天高掌騰其秀氣誕茲魁士
是稱間出月角山庭幼章奇
表遠情正骨本異常人連城
三五未足比其內潤照車十二
不能方其外朗烏策魚圖莫
不覽閱珠韜金遺偏所留心
既有拔俗逸群之姿常懷激
水搏風之志天柱大原王筆
開霜道廣松俊傑深楫高名
引唐麾下于時魏鯉落紐羣
凶競逐葛榮虵食鯨吞拔燕

滅趙類蚩尤之徵風名雨若吳
工之絕地傾天太原王親勒熊
鯢直栢漳滏公提戈橫厲躍
馬先登凶衆凡解預有其力授
監軍都督既而秦隴妖寇鷓鴣
蝟起始則狐鳴惑人終乃獸飛
噬物賀杖岳一時雄武出制天
泉公別統支軍任當群帥筭無
遺策戰必先鳴旣展破竹之功
允膺折珪之典封饒陽縣開國
伯邑三百戶尋授征西將軍金
紫光祿大夫轉衛將軍右光祿
大夫侯莫陳悅內懷奸伏潛運
凶謀變起棘門害加上將周大

袒首經委質情深發憤越自
藩部星馳赴難建旗誓衆志
弥仇讎公亦叶贊莫圖同茲義
舉凶魁剿殺誠効鯁宣授大
都督鼓節尋封荊州冠軍縣開
國公邑五百戶加通直散騎常
侍進車騎將軍左光祿大夫齊
神武遷斯河朔包括山東傾韓
魏齊楚之兵引漁陽上谷之騎
千里不絕百萬為群濟自臨晉
長驅馮翊周文潛師沙苑以寬
對衆公猛氣從橫奇謀間發或
縈左拂右或撫背衝心鄰敵大
崩隼輪莫及策功飲至誠力為

多授儀同三司蕭鐸據有渚宮
躡梁偽位就左江右湖之樂悅
朝雲暮雨之神貞臧不備政
刑日柔燕文公受柯執律吊人
伐罪公分勒戎麾共為犄角發
於競上梁櫬爭前楚若所以銜
璧郢都於是庶定拜開府儀
同三司封儻城郡公邑三千戶天
和元年進位大將軍歷任燕數
幽三州刺史凜風雲而舉八翅
垂雨露而撫千圻服冕彰其
寵榮洗憤表其清慎而麥丘
咒齋食之壽終自妄言句芒錫
秦伯之羊徒虛語耳春秋七十

有五以周建德元年薨於幽
州贈成文秩鄧洮五州諸軍事
成州刺史越公年月曆於公所
易名考行謚曰信公禮也惟公
志度慕廓風儀雋之偉運屬
連橫辰生逢用武之日控權奇
之馬精貫鉤鈐帶豪曹之劍
氣侵牛斗析衝禦侮除暴靜
亂竒心比於孫吳功業同於衛
霍輕財貴義好賢下士栢園
內之米曾不介懷散廡下之
金聊無恠意呼船不弃彈鋏
更重故能氣蓋三輔聲振一時
鍾慶有徽克光凌葉第子

司空公廣平王雄藩屏皇家
鹽梅斯鍊仰惟過避之訓永
結陟岵之哀故府佐姓名等以
為陳太丘一介邑宰尚有改名
之禍郭有道儒生者身猶興之
愧之詞况乎盛業鴻勳魂才偉
器而可翠石徒寢丹筆空栖乃
勒此豐碑樹之來裔垂芳猷
與懿範共穹壤而俱弊其詞曰
嶽靈集祉台宿垂光高門右地
蟬聯克昌緇衣朱紱玉鉉金章
日祖日禰令問令望爰降菁華
旌茲瑰傑志識開爽心神昭徹
勿標壯氣早著奇節好覽兵

韜能明軍決河朔挺禍凶寇掃
行宸居肝食爾后專征奮茲
魁勇摧彼妖鯨武安凡落神
巖石鳴二雄交爭三方未一陣
雲不解兵星屢出策預廟護
切宣戎律圖庸命賞加榮進
秩馭戈祭戟獸節龍旂六轡

翦四驥駢、出喧朱鷺入敝黃
扉班條按部布德申威人類
鵝鷺壽非龜鶴乳壺滿盡金
高標景落葆吹龍吟黼恍魚躍
鑄金模範為山葬霍前基已
峻凌膚弥隆作藩論道既王
且公踐霜濡露迢遠慎終敬

刊琬琖播美無窮

大將軍趙紫碑銘一首

并序

隨蔣道衡

若夫搏扶搖而上九万者必有
垂天之羽翼苞島嶼而納百
川者必有出日之波瀾斯乃
大器所以懷遠圖宏才所以
膺重任故有出地出洛之佐

為梅為礪之臣翔諧帝道銷
輿庶績亦何代無人哉淮安
定公繼之矣公諱芳字士茂
天水上邽人也自瑤池御駮釣
天射熊歷王澤而逢神登常
山而得寶縣積載祀英靈不
絕十一葉祖融所謂荀令君

趙盪寇之為益時字即其人也高祖逸壯思高才雲飛
飈豎已挂人樞史筆不復架
屋施林曾祖涉祖賓育或
頻贊藩雖屢嘗銷艾立言
展事竣而不朽父備演分符
賜札樹德於名邦朱鷺丹
惟裒終於蒿里而獸雲起
皐繇出龍宿感周勃生公資
靈特挺氣稟純粹殊武仲
之木性偏實異文舉之金精
太多孝窮行本仁為己任崇讓
去伐絕矜尚之心豁情順理無
喜愠之色先聖徽言味之而

不倦雕蟲小道能之而不為
物望坐高聲譽藉甚周太祖
肇開相府盛選僚佐引為記
室轉外兵遷內書舍人尚書
兵部郎職乃應星人同披霧
豈直張燈流穉固亦覆被
見知周受禪除冬官府司邑
大夫又為陝州總管府長史天
府地軸二國並興伊洛峭函
百樓相對金星大宿芒角恒
動牙璋羽檄晝夜交馳公叅
贊戎機運籌幕府三川之地
呼吸而并吞九國之師遠巡而
不進加儀同三司仍長史徵入

朝歷御伯納言進位開府儀同
三司稍遷內外府掾吏部內史
御正三大夫天官府司會春官
府司宗領夏官府司馬封淮安
縣開國子前後任熊析二州
刺史公志識高瞻幹翮優長
遍歷群司咸居要重文墨堆
几主者環階照理若鏡明剖
滯如劔剖及旌旄杖節按部
班條家承禮教化致清靜東
夏平授相州天官府司會進爵
為侯大象元年置六府於洛陽
除少宗伯攝夏官府事二年拜
上開府進爵為公大隨飛名

帝籙九叶天序火木異行烏
龍殊踴踴開皇元年拜大將軍
東京尚書左僕射封淮安郡開
國公東京罷授京省尚書右
僕射三年兼內史令僕射如故
自金運窮圯華夏陸沈聖人
之軌則罕存先王之風格咸盡
皇上撥亂反正康俗振人標
明政典興復礼教公內掌綸
緋外司端揆若四嶽之遵行
堯道猶八元之輔成舜德方
驗大水導舟良臣見任巨魚
鯨聖主得賢二年除蒲州
刺史加金紫光祿大夫以公

羊時耆邁故優以外任也莅
事四周風化大洽屢辭以疾
解職還京九年抗表乞骸
骨聽以大將軍淮安公歸第
仍降璽書兼賜几杖衣服被
褥板輿等皇太子遣使致
書賚巾帔等七種春秋七十
七以十四年薨於京師之太平
里王人弔祭謚曰定公礼也粵
十五年厝於小陵原惟公靈
府內融虛舟玄運有礼有法可
大可久從政立朝五十餘載垂
纓拖玉卅餘官文馬華軒不改
素土之操當軸據要弥懷恬

淡之心方正確然風塵不染
清白自守脂膏莫潤故能名
行兩全始終俱美扶陽濟濟
豈得獨稱鼻相東都藹、自
可銜軌踈公而隨武可作餘
風未泯公業不亡析薪有寄
佐官姓名等仰惟感範畢志
不追雖良史德迹藏於東觀
尚書故事留在南宮而夙煙
已合莫辨成樓之氣松栢且
摧誰知夏屋之所乃勒此高
碑樹之幽隧同扶風之下馬若
襄陽之愼浚其詞曰
長源遠胄出翳分秦文祠二容

襄祭三神縣紀歷代鍾慶累
仁不常厥去所在稱珎潘美家
風陸陳祖德粵惟威緒播此
淳則代襲衣纓門傳儒用仁
成里以信為國惟公降誕早
標風槩雅量遠情動無近對
研尋百氏下上千載五行寬尤
出言可佩繁數縟祀報德酬
庸頻移人爵屢荷天寵黃扉
置府赤社分封堂高陞峻實
著賓從斷命歸火謳歌去木
五運載新三靈改卜蕩滌區宇
澄清埽躋任忉股肱誠深恪
汲漢委四竒魏導五俊居今

望古綽有遊刃應物莫明
持身淵慎名教斯在風猷
坐鎮表上祝壽句芒賜年三
達已具五福無憊高情知
凶大璞能全蘭陵金散沛邑
車懸千月易往一生俄度白
日滕城黃腸霍墓石麟詎起
金雞豈呼銘讚恒存聲塵
永布

驃騎將軍王懷文碑銘首

并序

薛收

蓋聞惟生為貴輕之者類於
鴻毛非義不居取之者同
於熊掌當仁處命不其難
乎故斛儻不羈之才莫竒傑

立之土_落遑々重志業落達切
名心貫金石之中氣逸煙霞
之上雖則山淪海覆霧卷塵
飛儻節捐軀蹈之由已斯為
美矣豈徒然哉若乃慕廓
千齡柳揚万代獨顯非常之
効以終國士之恩高烈振於
遐年義聲聞於當代則騁騎
王君見之矣君諱懷文字思忠
太原祁人其先姬氏周室之
胄水府山宗之秀載挺瓌竒
此行重出
瓊林桂苑之華夙承休祉騰
芳上葉流慶後昆故能異

人鬱起雄圖間出祖魏常
山郡主簿傳野丞寓量沈深
養名蓄德父膺齊儀同臨
朔鎮將風格凝峻居仁蹈禮
並藏器於身蘊材傲俗若騰
精玉守稟性金方少負不資
之質長嬰駢施之累跼步通
衢載翼中野矯迹嘉道行
運觀時暨炎曆將終皇猷
奕德生靈改蕩翦為寇亂九
縣區分四郊多壘若攘袂激憤
袖戈抗節既濯鱗羽思遇風
雲是時四柱方傾共工之難尚
梗五星不飛漢祖之業未隆

人鬱起雄圖間出祖魏常
山郡主薄博野丞寓量沈深
養名蓄德父膺齊儀同臨
邦鎮將風格凝峻居仁蹈禮
並藏器於身蘊材傲俗若騰
精玉守稟性金方少負不資
之質長嬰駢施之累跼步通
衢載翼中野矯迹嘉道行
運觀時暨炎曆將終皇猷
奕德生靈改蕩翦為寇亂九
縣區分四郊多壘若攘袂激憤
袖戈枕節既濯鱗羽思遇風
雲是時四柱方傾共工之難尚
梗五星不飛漢祖之業未隆

空懷耿介之心猶阻奔蹏之路
劉武周渝天猶夏荐食晉陽
宋金剛剽邑屠城提恩汾浦
乃以君為偽上柱國行軍
愬管非其好也君久悟焚巢
恒思擇木終觀投石未安累
卵行危苟免言遜俟機

太尉秦王建旆東轅元戎北
指出九天之外引百勝之師
星駭雷馭刻平大慙既乃烏
合為群俱同鍛翻獸衆之內咸
遇翦毛而一面開羅三駭致禮
捨鉤焚櫬特降優隆光被寵
榮式加殊命乃授驃騎將軍則

大唐武德三年也王充負譽
青上流氣紫極屬南巢放梨
之始西伯事殷之初窺覩非
冀妄干大寶 聖上怒茲黎

首情軼鈞隍救彼淪骨思同
濡足吾王奉遵廟筭受脰袒
征蘊金遺玉鈐之謨運沙城

石陣之略鑿門畫閭柏定舊
都君乃陪頽戎麾俱叅列將
自毛師浴油結壘印山醜顏
浦誅屢祀旌旆君鷹鷂揚
視展効獻功未極千里之塗
翻垂六鳥之翅鍾儀去楚不
捨南冠華元入鄭未通文馬

王充置之左右情加推信仍授
偽官無優封爵君乃詭同背
誕密運忠規潛圖去暴庶恢
茂績方欲梟除元惡贊我大
猷越以四年二月王充悉其步
騎出至城西吾王導軾觀兵與
其相遇旗鼓雖布鋒鏑未交君
乃獨斬神謀先騰壯烈袖戈
電擊撻劔風超決機兩陣之
間申威万人之上一發則貫其
左股再申而折其右肱凶魁
僵仆應時顛趾奔鯨赴穴桀
犬如林以無因之迹駭不存之
地莫不眩目驚視廢手頓足

雄夫爲之亡曹猛土於焉累
氣流光奪景浮雲變色味益
數步之中躍刃重圍之下以宜
制衆援阻路窮交鉞莫禦結
纓終斃於是聲嘉 玉冕悼
感瓊杖四國嗟傷三軍悽愴
司儀奉命致禮輜轅賄賂所
加特超恒典切書天府爰降
王人 詔贈公官謚曰公禮也
君質茂松筠心標鐵石慷慨
有丈夫之操磊落懷烈士之
風運偶物艱時鍾德喪闕節
高度不以知行自拘爽氣通
才方持雄略為重屬兵車九

合齊楚之地未寧天下三分
高周之道初草君乃屈迹抑
憤與俗沉浮違亂去惡歸
身大造既荷生育之賜方酬
出岳之恩犁閭無虧造次
斯在發忠顯効殉主捐軀
登太行以未危怙焦原而不
懼故能抗逋藪之敵怨鼓天
誅於巨猾雖則荆卿奏曲空
進燕圖豫讓吞聲唯驚趙
駟鬻素之側載懷惠輔氏之
結草酬恩比事論功固不同
年而語矣吾王重義敦本情
深嘉尚永言遺節有邁前

備以為紀績詮名昇章之威
範鏤鍾鐻斯邦家之弘訓
乃命勒茲玄石式達豐碑樹
美無窮垂芳不朽方見雲
飛幽隴飄飄與生氣俱浮吹
動孤松蕭々與餘風共遠其

詞曰

於穆顯宗肇分姬姓休緒賜
弈靈源斯威鶴舞周儲鳥
飛藻合流福所響傳芳遼
夔木禿喬林波騰巨壑莫
奇弈載傑人間作是日趨
材茲稱勇略稟質侏儻遊
心寨廊珠囊掩曜玉穹騰

暉霧擁玄闕虹貫紫微一人
 喪道地廣無依逝莫以駟翔
 而未飛皇運膺期帝圖惟
 始野有龍戰人同燭起望阻
 昌期迹淪干紀震異信國居
 非仁里姦魁放命肆逆汾陽
 推轂台鉉授律文昌威宣取
 亂績著侮亡氣稷既滅遺
 黎以康雷作既解風行斯浚
 承茲渥澤去彼危亂躍鱗
 清波厲羽霄漢乃優寵秩方
 隆榮觀疆萌縱厯稂莩為
 群嵩邛地阻伊洛川分五榮
 命將六郡興軍言從戎政彙

展鴻勳桓、正夫蠢、窮寂
舉斧未弥吞舟猶漏墮伏
無虞前茅爽俟翻蓬銚本
乃同夾胆違邦靡貳苦節思
貞志除封豕庶翦長鯨神機
奮發竒略允成惟義是蹈茲
軀以輕烈氣外楊雄規內翼
拔棘超距橫矛每事渠魁既
接孽黨咸暨劔及王僚鏖
加吳淦人稱韓相地日樓蘭
梢生怨府建効鋒端論切彼
易語迹今難致命所欲垂名
不刊森、壯節凜、風度易
水方寒邨山永暮月照泉戶

煙浮松路唯餘俠骨傳芳竹
素

文館詞林



四百五十二

校書
大要
二角
空
二級
序書



文館詞林卷第四百五十三 新碑卅三 百碑卅三

中書舍人字實襄襄國史文館學士程國高郭國登許敬宗等奉勅撰

升將軍三 精謀節 新公親 辭 風

輶 虞南左武候將軍龐某碑序一首 宣其

黃 褚亮左屯衛大將軍周季範碑銘一首 并序

大 隨車騎將軍莊元始碑銘一首 并序

隨右駝衛將軍上官政碑銘一首 并序

古蘭寺觀新將軍工室題辭一首 并序

左武候將軍龐某碑序一首 天啟 虞南音 并序

昔者彤雲南受命 樊灌首佐其

雄圖白水興 玉耿衣賈宣其

上略並能耐羽躍 鱗培風

激水誓丹書 以達國錫青

社以林開業基居 陳五新出馳

千駟威矣哉功臣之為貴也
也眷言前烈疇能踵武嗣
斯風者其唯安化公乎公
諱字相州鄴縣人也靈源
導於姬水脈土因乎魏邑
或備文仕晉光命服以享
大邦或習武遊梁握兵符
而居上將自斯累綦徽猷
相踵浴下名相仲達顯其
龍章襄川奇偉士元騰其
驥足長戟高門軒冕相繼
形諸雕篆可得言焉曾祖
公齊中散大夫陳留太守
登高能賦凌雲之氣已道

下車布德甘露之祥斯表
固已陳諸往諫紀于前載
祖人齊襄城王西閣祭酒
鎮西將軍父北海郡丞
正議大夫並德業相傳家
聲不墜清談萬論芬芳無絕
用能載挺時俊克冒先緒
公體膺景緯氣稟英靈容
貌都雅風神秀異資忠履
孝彰於臨騎之年武藝雄
才見於幡旗之日鷹隼妙
於百中擊劔踰於千里於
是氣蓋山東名馳海內思
龍媒用申鴻漸豈直梁甫在

咏上瀨長吟而已哉弱冠為
左翊衛執戈武帳整芻禁聞
便煩左右爪牙攸屬遇矣德
無象雅歎其亡睢騎隨滿月
之兵鷹門列陰山之陣公頻
駮七萃出自九重右控六鈞
左揮雙戟莫不奉旗執賊後
殿先鳴勇冠當時勳高莫府
蒙授朝散大夫既而霧昏九
縣塵飛五嶽戎狄交侵藩維
內侮公乃銷聲晦跡言念卷
懷語嘿沉浮用觀時變及欽
明在運經綸維始益津同德
之侶沛邑大号之初莫不扼

樂爭趨奉圖歸命公早達興
亡風布誠款乃贏糧景從憑
風撫翼于時天少猶艱王途
尚梗偷名竊号增起蜂飛公
每羽義師率先銳土銜枚來
舌夜襲晨趨沉舟焚次義
無旋踵氣奪九軍戰同三捷
以平霍邑之切蒙授開府
儀同三司薛舉負阻秦川
凶徒甚盛仁果嗣虐同惡寔
繁爰降神武翼行天罰公類
率精騎並引軍鋒入地道之
九重超石城之百刃踰艱履
險奇績居多捨爵冊勳帝用

嘉心蒙授大將軍以馮異之
譏擢加衛青之榮号論功
序爵朝章斯允值馬邑妖
氛侵擾疆場龍連酋長為
之聲授陳稀彊兵尚毛叅合
盧芳壯騎或喻高柳乘折
膠之氣磬引弓之力元戎致
討遠臨句注公將率義勇親
稟宏謨躬先士卒奮不顧命
雄劍長駟大殲凶醜王充阻
兵怙亂竊據伊湏秣馬河華
連鷄趙魏相王宣威聞外杖
錢斲門公以前茅左矩奇兵
深入凌孫瓚之嚴城絕王離

之甬道元惡尅殄厥功斯茂
及取劉闡於涪州破徐貲於
兗邑常隨大旆每翼轅門權
堅陷陣所向披靡拔幟揚
微隨捷應變殊勲茂績大
碣河山蒙授上柱國封真定
縣開國侯五年以久勞戎陣
奇功克舉優秩仍加用彰勤
蒙授秦王府左三翊衛府右
車騎將軍七年授秦王左一
副護軍其年又補左內馬軍
副惣管九年六月以業穎艱
難効彰忠欵蒙授左衛副率
其年七月詔授右驍衛將軍

其年九月改封安化郡開國
公皇上膺圖郊歷臨撫萬方
永言惟舊恩榮弥重爪牙任
切僉議沅歸貞觀元年七月

詔授左武侯將軍居陪闈錡出

導金輿式式道之青旌引金

吾之緹綺戎麾文物光暉朝野

方當比跡韓吳齊切衛霍陪王

檢之封翊蘿圖之駕而銜珠

表瑞弗永於百年坐樹留名氣

傳於千祀弓韻明月之暉劍

滅連星之氣精粹所稟何其

促歟以今貞觀二年六月六日

遘疾薨於雍州長安縣之安

仁里宅春秋卅有五 皇帝悼
深祚席恩同詔鑿贈公官謚
公禮也惟公少稱弘量喜
愷不形尤長武略仁而有勇
及感會風雲立功成務讓虛
下物始終無改雖復開羽有
國士之風祭遵懷儒者之操
無以加也粵其年十月甲戌朔
廿一日甲午定於雍州長安
縣之公原遺孤藪然不勝猜
暮同氣友睦弥庸急難爰建
豐碑式鑄不朽宣令名之各
涑播遺芳於可久乃作銘云

缺

左屯衛大將軍周孝範碑銘首

并序

褚亮

另夫聖人有作實歷應期
賢傑於是降生叶贊以之同
德望方邵而長想超韓白而
高步彌成久大之功資亮邦
家之業騰芳前古垂裕後
昆身與朽壤同弊名隨鍛帛
俱遠俾無愧色其唯誰敬公
乎公諱孝範汝南安成人也
姬水降祥惟王於是建國周
原命氏因生以之賜姓積德
綿遠歷載悠長公侯繼及家
族重映主射雄辯頌美於秦
君絳侯質直終安於劉氏室
先之竭心士佐子隱之勸節邊

壇自斯已降可得而言者也曾
祖公梁散騎常侍太子左衛軍
廬河二州刺史保城肅侯早標
譽望雅有幹局用能杖節權
旄樹功立事祖陳車騎將軍都
督八十二鎮諸軍事定安二州
刺史武昌壯公張幕臨戎褰
帷佐牧殊勳表於甲令茂賞
盛於懋史父公隨大將軍使持
節永桂雲三州總管州一州諸
軍事左武衛將軍謹僖公舊
德非遠汗竹紀於聲芳遺愛
所存甘棠表其歌詠自保城
著績武衛安邊宣條千里於此

三業繼踵方牧時論榮之公惟
岳降生含章秀出湛機神而
內融蕭槁宇以外峻因心本孝
之義發自天資率由立身之
道匪因傍習姿貌疎傑容心
方嚴穆乎苞不測之量毅然
有難犯之色兵書軍志雖不
學於孫吳嘉謀遠筭自追蹤
於衛霍弓矢盡蓋迹之妙騎
乘均王濟之工州閭推其敬
讓宗戚歎其淳厚美譽所歸
獨高茲日隨大業三年起家
齊王典籤其年授交趾郡司
倉書佐趨賊藩寔出臨荒裔

冀北之步雖涉於康襪圖南
之舉未申於寡廟于時炎精
已季亡徵將地公卷舒其德
沉浮體命殆均亭伯遂遠出
於遼陰更似文休亦竄身於
外需及皇朋草運品物咸亨
越自遐方歸于京城 主上昔

在雄城任隆分陝撲燎原於鍾
岱止橫流於溟渤遠求時彦
用清中夏公亦推誠霸王要
質興王附翼之機因搏風而
自遠鯀鱗之致與委水而爭
擊武德五年授秦王府右
庫真車騎將軍君右之舉

諒侯勳賢析衝之任乃昇惟
幄公之此選寔允得人九年六
月改授太子右內率仍檢校
北門諸仗官率精兵見稱歷
載儲闈禦武充光頭職奉雞
戟以趨侍肅龍樓而巡警其
年授千牛將軍封宜春縣公
食邑一千戶地擬封君榮超
戎秩將軍之禮寵賜比於命
卿建武之選名號隨於制敵
貞觀元年授右屯衛將軍於
重武門領兵宿衛仍以本職
出使北蕃宣揚國威曉諭邊
俗班奉四條之書肅清万里之

外使還又領直武門內左右廂
仗肅鈎陳於中禁排闥闔而
上征羊祐之握兵機典聿之
統軍帳任寄之重恩私罕匹
五年轉授左衛將軍襲爵護
郡公加邑二千戶乃司欄錡奄
有茅賦象賢先於繼及承
基感其士字六年以奉官檢
校殿中監事公累昇顯授所
在勤官故能入司武職兼愨文
吏人資才幹任華官省公勵
精為政見稱明察七年興駕
幸于九成天駟觀風毛警尤
切神居所寄柱枅斯重乃興

左僕射玄齡同掌樞禁首漢
后出征馬防留後魏帝巡幸
徐宣統兵方之往賢之稱連
類公勵志竭誠言則不隱嘉
謀謹議知而必為中旨勞問
寵賜優洽既舊抱疴恙遂淹
氣序夏如邁疾載迴 天睽
於是加授左屯衛大將軍封爵
如故方且羽儀當代聿鑒具
僚成大夏之棟梁濟巨川於
舟楫而夜臺忽掩朝露已晞
未勒竇憲之山遠終畢萬之
牖七年薨於京師 天子為
之輟朝追悼者良久乃贈工

部尚書餘並如故有司考行
謚曰敬公禮也惟公識量明
遠風神爽發蹈德無忘率
禮不違潔操乃出於冰霜貞
心有踰於金石至於鄉閭之
教規範之言石慶愧其餘風
王祖慙其家法非典暮之書
弗尚非忠信之言弗踐輕劉
德之貨財重季布之然諾終
如一心涉歷二代口絕臧否行
無玷缺加以長於武藝妙識
兵機金壇奇正得之於操柅
玉鈴攻取無勞於積習祭遵
偏術未足方其雅歌曹仁智

勇纔可用其勝自臨戎御衆
莅政當官節約以檢其身寬
和以接其下不矯飾以招譽豈
乾沒以徇私在公必聞奉上無
隱焚書草而方奏問溫樹而不
言趙武之情留管庫異平之
祿及朋友而言化旌促芳塵
不追投竿致其掩泣下機所以
流恨豈非有始有卒立功立
事者哉即以其年永定於萬
年縣之某所三河甲士選陳出
塞容五校饒歌猶奏旌軍之
曲峴山之拜弥懷於舊思原
氏之阡更開於新道公早著

款誠夙展勤効沛公初起蕭何
舉宗而有歸晉祗肇基何曾
在朝而盡敬故能特昇爵位
偏隆寵渥書社千室享祿方
鍾曲旗雄戟之重文軒銷弩之
貴當代近臣罕出其右薨徂
之日朝野興悼思加上寵禮備
哀榮爰命有司立碑隧道昔
者西漢殊功唯頌美於充國
南宮舊事心畫像於仲華未
有勤茲丹宇旌斯玄地發自
睿衷永胎相質天古地久
與時代而長存石散金銷隨
風歎而共遠同夫庸器之典兼

取睢戈之義銘曰
縣縣姬緒弈弈幽風克纂遙
胄惟茲懋切家辰台衰人出
才雄祖考載德勲庸在躬是
為人譽復紹名公盛業長祀
猗歟積慶誕斯明哲實標莫
今孝資感仁由天性潔比清
冰皎同懸鏡藩庭入仕水鄉從
政勇冠秦隴聲馳函洛譽美
邈外績宣臺閣運逢霸道時
惟聖任乃司禁衛兼謀惟握
寵越等倫思踰藩岳天爵斯
重時榮已隆是惟顯職兼司
禁中竭誠奉上捐私徇公勸

行無怠當官匪躬文能附眾
武實收功人擅榮寵族華珮
相迺求懿德惟人之望職重
中軍名超列將摧梁奄及
禘才長喪油素傳芳丹青
表狀逝川不息拱木行陰猶
迴慈悼尚結神襟恩加陳席
寵越遺簪追榮愍洎榮贈
交臨化運長往空嗟德音百
身靡贖千載猶生沒貴無朽
唯茲今名銘開古石地上新
楚年代滋遠上陵或平瞻言
芳烈永樹風聲

隨車騎將軍莊元始碑銘首

并序

褚亮

昔姬文政典司勳詔於旂常
魯史策書大夫稱其功伐
洛師鏤昆吾之銘尸臣斲栒
邑之頌然則紀迹庸器必俟
非常之功騰芳彛篆用資可
久之德況乃殞身徇節捐生
立事奮於百代之上裕乎千
載之下而無刊勒者哉公諱
元始字長節南郡江陵人也
若乃執珪思越非重上卿瘞
金入楚實交窮巷武疆命社
秉助顯於西都會計臨人侍
從先於東國冠冕之盛可略
而言者焉祖公義陽太守父

咸湘東內史並泛涉儒書尤
曉兵略威之大父靈福亦守
武陵剖符千里於此三代公
降靈秀發資神挺生爰自
騶綺已標機悟通家李尹
驗其占對可觀即座顏回歎
其風規獨遠長而異量雄姿
角立傑出苞權豪之遠度蘊
捋師之奇材長劍博擊之機
短書從橫之術鸞孤蟬翼之
妙登鞏封之巧有一於此公必
兼之仕陳之曰歷官藩府起
家宜都王國常侍稍轉內兵
叅軍屬王師伐陳江表初定

公乃奔竄句吳山林屏迹而
江湖礮亂輕慄合從閩越潛
城邑平起公乃避地餘杭志
在宣力值吳興送賊攻逼州
城梯衝俯臨資援外絕公身
在窮圍受屈強宥士有飢色
人無固心而三令已明九距
設分兵決戰遂翦妖徒一州
獲全實公之策軍師議賞乃
授儀同三司高智慧佐亂吳
州同惡相濟舳艫巨水旌旗
不絕時越國公為行軍元帥
交兵浙江雖豹略之機決勝
千里而為集之壹猶思一戰

公受命軍門先驅銳卒運
習流而直指檣戈船而長鶩
奇兵電激凶徒凡解逆豎崩
潰分竄海隅公又從元帥輕舟
遠襲山谷首豪應時殲殲水
陸阻憑隨方勦定更授上儀
同三司詵加開府於是乘傳
入朝毛衛宮掖恩踰上等禮
出舊臣吾老既晚入之榮黃
權乃從公之貴俄授車騎將
軍仍從越國公北伐大俘醜虜
振而歸尋丁湘東君憂哀毀
為疾從權奪禮還攝太子軍
而獯羯未賓侵擾邊服仁壽

元年越國公惣戎出塞公任
在支軍復隨莫府故以再從
驃騎兩出定襄屬伯初於偏
師隱子顏於敵國及大軍轉
戰黠虜縱兵砂磔風飛天石
雨下公潰陳深入輕騎獨先利
劔之所奮擊長戈之所仆斃
莫不高潤野草屍橫亂麻
辨駭喪旃扶傷救死銳氣驕
賊臨難忘身殞於虜陣春秋
卅有六天子聞之臨朝不舉乃
詔曰車騎將軍元始氣幹標
勇襟神果毅情深為國志在
忘生竭力戎行功立身殞興言

壯節有悼於懷宜追加榮位
用申賞典可贈上天大將軍
喪事隨由資給仍以本官開
府迴授適子永興有司考行
謚曰剛子禮也惟公早叶英風
夙標遠槩資德率禮履信基
仁出言為九斲之貴恤患輕
千金之產建乎五勲江外位
穆台階肅肅恭奉上廣潔御下
故能竭誠邊幕流慟宸襟使
者降斂衮之榮冊書隆加命
之典豈非忘生踟義臨邑盡
節者哉以今二年三月六日
葬於涇陽縣之神狐里阡臨

京地地椒德陽五校發銃歌
之軍十里開賜瑩之所博陵官
屬尚惆悵於王沉謁者謹喪
寶流連於鄧訓僉以陳君物
範且勒潁川之碑張氏孝廉猶
書冠軍之碣況乃勵茲近俗振
我溥風節土慕義懦夫成勇
言之不可以已其在斯乎乃刊
志清徽樹之神道俾夫披文
相質知皇代之有人焉銘
曰
梁楚華胄卿相高門倪拾青
緩奔荼朱輜祖考積德踵武
洪源洪源寔長有此人良鵠

年岐嶷綺歲珪璋高風凜凜
逸足昂昂滯九百封披書五
行賜璧遊趙明珠入梁宗京
黍稷舊社淪亡獨往攸貴自
得為塲吳越輕心寇賊交侵
連衡浙右阻亂楮陰我有奇
策偏軍年臨良圖外斷英勇
內沉轉鬪千里觀機七擒台
儀已峻帝寵尤深麾下騎士
兵毛羽林權烽夕照絕幕從
戎登蛟氣憤躍馬心雄腰橫
楚劔項縱秦弓酣戰力屈長
驅路窮傷情邊塞結悼神躬
策命追遠絲言飾終哀榮禮

備贈贈恩隆曦結將掩龜謀

已同旌旒照日鏡鐸舍風誰言

不死貴在銘功

隨右驍衛將軍上官政碑銘首

并序

褚亮

若夫楚都為寶蕙璜於是
不貴梁國攸珎明珠以之非
重賢臣者為政之樞機佐時

之棟幹誓鳥累百無申搏擊

之功良馬日千乃見康衢之

力至於勲書紀狀業著司庸

存公立事之臣沒稱遺愛之

美則上官使君其有焉公諱

政字匡濟京地人縣人也其

先惟德受氏因官賜姓青史

孤其長源丹韜傳其遠業子
蘭楚國之大夫桑樂漢家之
令望自此蘭芬挂馥玉閨金
莫軒冕相繼賢才為伍九代
卿族既已慙華七葉珥貂信
其殊寵王父公魏使持節大行
臺原州刺史布教文昌之宮
儀形列岳之選切宣彛斷道
冠生靈父公周使持節大將
軍公州刺史象賢以德受爵
惟仁盛業存汗竹之書餘風
表甘棠之惠公夙承基緒早
播聲芳協膺運之雄姿爰託
靈而秀出皎皎奇節昂昂異

雅性與江海同深莫風隨衆廓共遠孝友之行道高於楮
紳退讓之心譽結於卿黨枝
殫劔史學兼翰榮孫子短長
之術魏君梅屢之書巧射正
於陽元善騎同於武子縱情
儒業遊藝翰杖蹈道必於仁
厚結交崇其信義弱冠登朝
脩名獨遠天和元年召為右侍
上土其年月改授折衝上土于
時王業肇基霸圖將攝妙求
賢傑充屬勳庸公劬勞草昧
竭盡心力依日月之末光騰
攀附而長想大象二年奉別

勅依儀同例是日勲奮乃披
荆棘獨升朝伍弥簡帝心及
草命從時應期詔運京昌特
拜既可為儔何曾盡禮尤其
相正開皇元年乃授儀同大
將軍賜爵安養縣子第土之
恩爵頒五等蒲壁之美榮高
一代五年授左武候車騎將軍
八年以本官兼長春宮惣監
式道之官實須禦侮離宮所
幸必資供辦十六年授左備身
府驃騎將軍十九年改領右觀
衛府驃騎將軍惟左惟右兵
兵欄於是得才或內或外鈞陳

以之載肅仁壽元年獯粥孔熾
控弦犯塞烽火通邊薄伐之
選非公勿可於是奉詔徂征
朔旅深入結武剛而為陣運
衽席以致兵出其不意忽然
相接將士用命思蹈湯火斬
穢不窮遂殲巢穴十一年進
授上大將軍改封義清縣開
國公食邑一千五百戶加地
進律策勳命賞戶口減其租
入光寵倫於朝章三年授左
備身將軍四年以本官檢校
慈州刺史事于時晉陽搆亂
妖氣未靜漳滏之寄心贊攸

歸公式遇寇虜廓清遐迹開
河克定趙魏無塵於是黠吏
畏威小人懷惠龔杜之化諒
在茲辰賈祁之風固其慙德
大業二年授潘州道行軍總
管悞被海隅不遵王略公執
鉞偏師宣威外閩除其氣亦
遐方靜謐三年徵授左武衛
將軍項之又授右驍衛將軍
升降彤闈駟馳紫複聲稱斯
遠朝野穆然其年晉班新令
官号初改於是更授右光祿
大夫將軍如故及蹇駕西韋
怨其南征轍迹所臻方任尤

切於是又以本官檢校西平
太守壇場偏隅竅戎樓境公
導之以德齊之以刑彘狄相
趨緞絡而至釋寃理訟無勞
於鈎距以寬濟猛不行於皎
察得經邦之妙旨識美化之
有由可謂共綏兼稱能吏求
之古人若無愧色循良之化
載暴於天朝脩短之期奄捐
於人事上主輔善旣已無徵
勾芒賜壽豈為誠說么年么
月違疾薨於官春秋五十有
五天子輟朝不舉追思將帥
之臣萌庶罷市相悲同興環

仗之恨有司考行謚曰某侯
禮也惟公早契宏圖夙標令
聞天姪地義得之於自然窮
德依仁匪由於傍習慶潔不
私精慎無怠莫窺喜愠罕測
堤封履行斯和所交必信見
惡如由已聞善若順流寬裕
足以容衆矜莊可以勸物既在
貴而能降賈居榮而好謙夏
初弱歲洞曉兵略攻取戰勝
之機隴城陷敵之勇每至營
圍却月氣析寒膝矢石如飛
旗鼓相望公則雅歌臨陣為
扇從戎威稜獨遠隱如敵國

加以終始一心駢馳兩代並經
征討屢典軍人去必見思居
帝稱臧故能服罪乘軒獨
榮當代擁旄杖節垂譽後昆
豈非斯人之秀土有國之良翰
而道長運短零落無時一喪
名賢同悲弥悼即以今十一年

還葬於京地郡公縣之公原
古者王臣之勳必書方策貽
厥之義式銘鍾鼎前志有之
足以明鏡言之不可以已其在
斯乎嗣子公等在家惟孝登
朝必聞上弘思親之道傍求紀
德之事於是刊石宣風永貽

相質頌曰
 辰昂降精人物之英門多才
 秀族有公卿永錫流祉繼迹
 揚聲遙駭華鼓手奕長纓
 迨茲今肖竒姿挺生盛德祀
 長屬在人良黃中岐嶷青嶺
 珪璋如彼鳴鳳曜彩朝陽如
 彼振鷺矯翼高翔闈室無
 怠幽宮獨芳心齊竹柏標檄
 冰霜徙橫劔杪避息文場功
 叅霸業策定勤王董司軍
 要展力遐方式陪蘭綺着績
 衡漳勳存賞冊勇冠戎行申
 威朔野尅定邊荒時逢交泰

運屬重先巡警載肅劬勞
 以彰出典專城方隅廓清屢
 權封豕亟翦長鯨一年請借
 暮月斯成銀黃威寵金爵
 餘榮悠長運促促浮生運龍
 堙沒送鴈哀驚陽陵卜地
 洛溪占瑩藏舟不固深谷
 終平死而可任惟茲今名

文館詞林卷第四百五十三



